



811-257





廣列仙傳序

淺草文庫

明少谷山人張文介撰

嘗觀魏文帝典論有云年壽有時而盡榮樂止
乎其身二者必至之常期未若文筆之無窮味
斯言也豈非念吾生之匪易不應借草木而齊
彫假文辭以寄聲將與天地而同永哉是誠高
論何謂狂談然要之終為虛名而已於吾身何

廣文彙編 三序
益也張季膺曰使我有身後名不如生前一杯
酒陶淵明亦曰吁嗟身後名於我若浮煙夫二
子者豈不以身既不存名將焉用吾神已沒令
譽安知暢哉斯言抑又達矣若迺等而上之俾
形神永合則身名俱存不有神仙之學乎哉道
遥玄圃屢看東海揚塵嘯傲丹丘幾見桃花結
實是故老君三皇教主歷隋唐而猶現赤松炎

帝兩師逮秦漢而還存東方曼倩三竊瑤池之
桃純陽呂祖每醉岳陽之酒黃安負龜於武帝
張果辨鹿於明皇之數君者或萬年或數千年
或四三百年皆棲神碧落遊化人間無藉文章
而顯不假聲聞而存良生人之要道不朽之鴻
圖哉是以高人逸客罔不慕其休風智士名賢
咸思步其芳躅等珠玉於瓦礫以軒冕為樊籠

廣外傳
故軒皇龍逝視萬乘若一毛王子鳳升奔儲宮
猶敝屣至如匡裕結茅於廬山安期賣藥於海
上黃初平牧羊于金華丁令威化鶴於遼水譚
景升辟穀于嵩山陳圖南服氣于華嶽一朝有
悟輒飄然長往而不返者良有以也善乎方城
宗子有曰人世有二樂上焉者乘青雲弄紫霞
而次則宏辭麗句照耀今古名並日月萬世莫

得而掩焉殆兼三子而有之哉介夙事辭林慨
碧紗之空兆晚耽玄理冀石髓之倘逢習靜山
中澹然無事因念劉向陶弘景二神仙傳所載
僅漢晉以上人而六朝逮今闕焉讀者少之迺
搜群書并二傳舊所載者共得三百四人合而
梓之名曰廣列仙傳雖乏江淹之彩毫無能增
輝閩苑庶幾裴航之王杵預將通贊瀛洲他日

乘雲瓊島邀白傳以論詩跨鶴瑤天覓青蓮而
醉月一笑相逢固非未同而言客也昔
萬曆十一年癸未夏六月吉

採輯群書書目

列仙傳

續列仙傳

神仙傳

神仙通鑑

穆天子傳

混元圖

吳越春秋

呂氏春秋

史記

漢書

三國志

晉史

南北朝史

隋史

舊唐書

新唐書

廣列仙傳

五代史

宋史

遼史

金史

元史

皇明啓運錄

東方朔十洲記

郭璞山海經

大明一統志

五嶽志

終南山志

武夷山志

少室山志

廬山志

五臺山志

天台山志

洞河山志

山志

莊子

列子

鬼谷子

亢倉子

關尹子

淮南子

劉向說苑

抱朴子

漢文選

唐文粹

史纂左編

吾學編

憲章錄

藝文類聚

合璧事類

孤樹裛談

太平廣記

帛綉萬花谷

幽怪錄
灼艾集

豐去緝
輟耕錄

廣列仙傳目錄

第一卷

老子

赤松子

容成公

廣成子

黃帝

竈封子

赤將子與

廣文彙編目錄 卷一

洪厓先生

馬師皇

王倪

何侯

西王母

太真王夫人

東王公

上元夫人

偓佺

宛丘先生

附姜若春

務光

孟岐

匡裕

彭祖

青鳥公

范蠡

呂尚

劉越

廣文彙編目錄

卷一

匡續

葛由

蔡瓊

彭宗

馮長

西岳真人

王子喬

沈羲

周亮

太素真人

涓子

亢倉子

琴高

寇先

負局先生

馬丹

列子

王瑞玄

韓崇

莊子

陵陽子明

尹喜 文始先生

尹軌 太和真人

丁令威

李八百

馬成子

折象

宋倫 太清真人

王子

太陽子

太陽女

太陰女

太玄女

墨子

浮丘伯

祝鷄翁

鬼谷子

茅濛

蕭史

武夷君

皇太姥

魏真君

控鶴仙人

古丈夫

毛女

徐福

涉正

清平吉

白石生

第二卷

安期生

朱仲

劉京

茅盈

附茅衷茅固即一茅真君

脩羊公

屈處靜

魯妙典

緱仙姑

蘇耽

王真

金申

王興

衛叔卿

附子度世

東方朔

拳夫人

朱璜

郭瓊

李少君

車子候

李根

鮑叔陽

司馬季主

太山老父

程偉妻

巫炎

黄安

壽光侯

稷丘君

劉安

淮南王

方涇

黄子明

焦先

陰長生

南陽公主

江妃二女

樂巴

靈壽光

趙丙

瞿武

上成公

毛伯道

附劉道恭

方回

鍾離簡

鍾離權

即漢鍾離正陽帝君

莊伯徵

范幼冲

陳永伯

蕭綦

王仲都

王褒

蘇林

劉根

谷春

梅福

魏伯陽

龍述

姚光

東廓延

呂恭

華子期

沈文泰

子英

第三卷

王喬

麻姑

天台二女

劉晨

阮肇

王老

張道陵
老祖天師

王遠

蔡經

宮嵩

董奉

介象

黃初平

黃初起

鮑靚

劉諷

李阿

張魯

介琰

費長房

壺公

薊子訓

左慈

朱孺子

嚴青

耆域

孫登

梁謨

嵇康

王烈

王質

蘭公

謨姆

丁義

藍采和

第四卷

葛玄

葛洪

黃野人

扈謙

王嘉

楊義

許遜

真君

許邁

許穆

許羽

附

雲林夫人

附

彭抗

黃仁覽

吳猛

吳景鸞

文簫

附

孟欽

張昭城

鄒璞

劉綱

天師

樊夫人

東陵聖母

王道真

鄧郁

王玄甫

東華帝君

曾文迪

鄧去奢

范豹

韓越

萼綠華

張岳

白鶴道人

萬振

王延

蓬球

鄭思遠

冊陽真人

第五卷

陶弘景

蓬萊都水監

桓闡

劉玄英

海蟾子

寇謙之

徐則

蕭子雲

玄洲長史

岑道願

明崇儼

傅先生

許宣平

李筌

驪山老母

附

帝善俊

司馬承禎

帛和

王可交

班孟

李長者

鳳綱

孫思邈 真人

羅公遠

李白

白居易 附

白龜年 附

薛昌

徐佐卿

僕僕先生

吳道元 道子

王皎

趙惠宗

張果 果老

軒轅集

申元之

邢和璞

薛季昌

羅子房

張志和

李賀

顏真卿

北極驅邪院判官

伊祁玄解

第六卷

呂巖

洞賓純陽祖印

何仙姑

裴航

雲英

譚峭

爾朱洞

柳實

元徹

王四郎

唐詩話卷六

卷六

十五

許栖岩

韓湘子

陳搏

井始

張用成

劉斗子

石泰

趙吉

薛道光

紫陽真人

杏林真人

雷隱翁

林靈素

薩守堅

附徐鸞

第七卷

陳楠

泥丸真人

朱橘

白玉蟾

海瓊真人

彭紹

劉益

王嘉

重陽真人

馬鈺

丹陽真人

孫仙姑

譚處端

長真子

劉處玄

長生子

丘處機

長春子

郝大通

王處一

李靈陽

李萇

周史鄉

宋有道

李珣

張模

太虛真人

趙友欽

緣督真人

劉瞻

昌季

莫月鼎

張三丰

鐵冠道人

周顛仙

冷謙

裴仙

赤肚子

王曇陽

廣列仙傳卷之一

明少谷張文介輯

老子

老子者太上老君也。混元圖云。初三皇時化身。號為萬法天師。中三皇時為盤古先生。伏羲時為鬱華子。女媧氏時為鬱密子。神農時為太成子。軒轅時為廣成子。少皞時為隨應子。顓帝時為赤精子。帝嚳時為錄圖子。堯時為務成子。舜時為尹壽子。禹時為真行子。湯時

從母左
服生
生時
白首

為錫則子。老君雖累世化身，而未有誕生之迹。迨商陽甲時，分神化氣，始寄胎玄妙玉女。八十一年，暨武丁庚辰二月十五日卯時，誕於楚之苦竹縣，瀨鄉曲仁里。從母左腋而生於李樹下。指樹曰：此吾姓也。生時白首，面黃白色，額有三五達理，日月角懸，長耳大目，鼻純骨雙柱，耳有三漏門，美鬚廣額，踈齒方口，足跗三五，手把十文，姓李，名耳，字伯陽，號曰老子。又號曰老聃。周文王為西伯，召為守藏

古先

乘青牛
過關

孔子問
道

史武王時，遷為柱下史。成王時，仍為柱下史，乃遊西極，大秦竺乾等國，號古先生，化導其國。康王時，還歸于周，復為柱下史。昭王時，去官歸亳，隱焉。後復欲開化西域，乃以昭王二十三年，駕青牛車，過函谷關，度關令尹喜。二十五年，降於蜀青羊肆，會尹喜，同度流沙胡域。至穆王時，復還中夏。平王時，復出關，開化蘇隣諸國，復還中國。敬王十七年，孔子問道於老聃，退而有猶龍之嘆。烈王三年，過秦秦

又云是
昇帝

屈帝
卷上

獻公問以歷數遂出散關。赧王九年復出散關。飛昇崑崙。秦時降峽河之濱。號河上公。授道安期生。漢文帝時。號廣成子。文帝好老子之旨。遣使詔問之。公曰。道尊德貴。非可遙問。帝即命駕詣之。帝曰。普天之下。莫非王土。率土之濱。莫非王臣。域中有四大。王居一也。子雖有道。猶朕民也。不能屈。何乃高乎。朕足使貧賤富貴。須臾。公乃拊掌坐躍。冉冉在虛空中。如雲之昇。去地百餘丈。而止於玄虛。良久。

又云授帝
素書二
卷

俛而答曰。今上不至天。中不類人。下不居地。何民之有。陛下焉能令富貴貧賤乎。帝乃悟。知是神人。方下輦。稽首禮謝。授帝道德二經。成帝時。降曲陽泉。授于吉太平真經。章帝時。授于吉一百八十大戒。安帝時。降授劉圖罪福新科。順帝時。降授天師三洞經錄。桓帝時。降天台。授葛孝先上清靈寶大洞諸經。魏明皇時。降嵩山。授天師寇謙之新科符籙。唐高祖時。降羊角山。語吉善行。唐公受命符。玄宗

天寶初降丹鳳門帝親享之興慶宮隨又降
語田同秀以函谷所藏金匱靈符又降語王
元翼妙真符宋政和二年降華陽洞天授梁
先生加句天童護命經蓋無世不出先塵劫
而行化後無極而常存隱顯莫測變化無窮
普度天人良不可以具述者矣一云老子西
昇之時五色光貫紫微昭王令太史占之云
當有聖人西去千年之外聲教返此此西化
之兆也自昭王甲寅至今漢之千果千年焉

赤松子

赤松子神農時雨師服水玉教神農能入火不
燒至崑崙山常止西王母石室中隨風雨上
下炎帝少女追之亦得仙俱去高辛時為雨
師間遊人間漢高帝時張子房嘗從之遊焉

容成公

容成公者自稱為黃帝之師見周穆王善補道
之事煉精於玄牝其要谷神不死守生養氣
髮白返黑齒落更生事與老子同

入火不燒
隨風守

又云老
子之師

廣成子

廣成子。軒轅時人。隱居崆峒山石室中。黃帝造
焉。問以至道之要。荅曰。至道之精。窈窈冥冥。
至道之極。昏昏默默。無視無聽。抱神以靜。形
將自正。必靜必清。毋勞爾形。毋搖爾精。毋俾
爾思慮營營。乃可長生。慎內閉外。多智多敗。
我守其一。而處其和。故千二百年。未嘗衰老。

黃帝

黃帝立為天子十九年。聞廣成子在崆峒之上。

無勞形
無搖精
無營營

抱朴子曰
俗人謂黃
帝以一千
二百女
天便謂黃

乃往見之。曰。敢問至道之精。廣成子曰。自
治天下。雲氣不待族而雨。草木不待黃而落。
日月之光。益以荒矣。奚足以語至道。黃帝退。
居三月。復往見之。廣成子南首而卧。黃帝從
下風。膝行而進。再拜稽首。問曰。敢問治身。柰
何。而可以長久。廣成子魔然起。曰。善哉。問乎。
吾語汝。至道之精。窈窈冥冥。至道之極。昏昏
默默。無視無聽。抱神以靜。形將自正。心靜神
清。無勞汝形。無搖汝精。乃可以長生。帝後採

帝單行以
事致長生
而不知歸
鼎成始
昇天也

隨煙
上下

首山銅鑄鼎於荆山之下。鼎既成，有龍垂胡鬣，下迎黃帝。黃帝乃乘之，後宮及群臣從之者七十餘人。小臣乃悉持龍鬣，龍鬣拔，因墮黃帝弓。百姓仰空，望帝既上，乃抱其弓與鬣而號。故後世因名其處曰鼎湖。弓曰烏號。

甯封子

甯封子為黃帝陶正，有異人過之，為其掌火，能出五色煙，久則以教封子。封子積火自燒，能隨煙氣上下。

隨風雨
此也

赤將子輿

赤將子輿者，黃帝時人，不食五谷而噉百草。至堯時為木正，能隨風雨上下。時與市中貨繳，亦謂之繳父。

洪崖先生

洪崖先生，或曰黃帝之臣伶倫也，得道仙去。姓張氏，或曰堯時已三千歲矣。漢仙人衛叔卿寓終南絕頂，與數人博。其子度問叔卿曰：向與博者為誰？叔卿曰：洪崖先生也。

馬師皇

馬師皇者黃帝時治馬醫也知馬形氣死生之
脗理之輒愈後有龍下向之垂耳張口師皇
曰此龍有病知我能理乃針其唇下口中以
甘草湯飲之而愈一旦龍負而去

王倪

王倪即老君弟子得道于羲農之間黃帝過之
因傳道要歷少昊顓頊之世常遊人間帝嘗
以前為齧缺師行飛走之道堯舜之時猶有

見者後昇天

何侯

何侯者堯時隱蒼梧山慕長生三百餘口耕耘
舜南狩止何侯家天帝五老來謂舜曰昇舉
有期翌日五帝下迎舜白日昇天夏禹時五
帝以藥一器與何侯使投酒中一家三百餘
口飲不竭以餘酒灑屋宇板宅上昇位為太
極仙人今嶷山有何侯廟在舜廟則

西王母

西王母姓何氏字婉姁一字太虛又云龜臺金
母居崑崙之圃閻風之苑王樓玄臺九層左
帶瑤池右環翠水女五華林媚蘭青娥瑤姬
王卮七月七日^時漢武帝殿母進蟠桃七枚
於帝自食其二帝欲留核母曰此桃非世間
所有三千年一實忽東方朔於牖間窺之母
指之曰此兒已三偷吾桃矣是日命侍女董
雙成吹雲和之笛王子登綈八琅之璈許飛
瓊鼓靈虛之簧安法^與玄靈之曲以為武

帝壽焉。

太真王夫人

太真王夫人王母少女每彈一絃琴即百禽飛
集時乘白龍周遊四海

東王公

東王公與玉女投壺^戲而脫誤不接者天為之
笑開口流光今雷是也

上元夫人

上元夫人天母也漢元封元年七月七日王母

出神異
經

廣川山經

武帝
姓劉
名徹

乘紫雲輦。駕五色班麟。降漢宮。東向坐。帝跪
問寒暄畢。因呼帝坐。遣侍女迎上元夫人云。
比不相見。四千餘年。劉徹好道。適來觀之。夫
人可暫來否。帝曰。元何真也。曰。是三天真
皇之母。上元之官。俄而夫人至。可年二十餘。
頭作三角髻。餘髮散垂至腰。帝拜。夫人曰。汝
好道乎。汝胎性暴。胎性淫。胎性奢。胎性酷。胎
性賊。五者常舍于榮衛之中。雖慕長生。亦自
勞耳。

偓佺

偓佺。采藥父也。好食松子。體毛數寸。能飛行。逐
走馬。以松子遺堯。堯不服。時受者皆三百歲。

宛丘先生

宛丘先生。服制命丸。得道。至殷湯之末世。已千
餘歲。以方傳弟子。姜若春服之。三百年。視之
如十五歲童子。彭祖師之。受其方三首。

務光

務光。夏時人。耳長七寸。好服蒲韭。商伐桀。以

天下讓於光。光辭曰：廢上非義也，殺人非仁也。人犯其難，我享其利，非廉也。乃負石自沉。蓼水已而自匿。後四百餘年，至武丁時復見。武丁欲以為相，遂遵尚父山。

孟岐

孟岐，清河逸人也。尋師不避險阻，年七百歲。談及周初時事，了如目前。或云曾見周公旦抱成王，朝於周廟。岐時侍周公陞壇，公上岐以手摩成王足。周公以玉笏遺岐，岐常執逸，每

以衣袂拂拭笏，令銳欲折耳。嘗鉏桂葉，陰山下拾藥，聞帝好仙，披草萊而出。

匡裕

匡裕，周武王時人，兄弟七人，皆有道術。結廬山中，後得仙去。惟空廬在焉。故曰廬山。漢武帝封裕為廬山君。

彭祖

彭祖，錢鏗帝顓頊玄孫。至殷之末世，年已七百餘歲而不衰。少好恬靜，惟以養神泊生為事。

一分为周
感通人

一云古陸
終氏第三

子日克歷

夏殷封子

大彭

采女名

王聞之以為大夫稱疾不與政事善於補導
之術并服水晶雲母粉麋角常有少容采女
乘輜輶往問道於彭祖采女具受諸要以教
王王試為之有驗彭祖知之乃去不知所往
其後七十餘年門人於流沙西見之一云周
衰始浮遊四方晚入蜀抵武陽留家焉

青鳥公

青鳥公者彭祖之弟子也身受明師之教精審
仙妙之理乃入華陰山中學道積四百七十

一歲十二試之有三不過後服金液而昇天
太極道君以為三試不過仙人而已不得為
真人

范蠡

范蠡字少伯徐人也事周師太公望好服桂飲
水為越大夫佐勾踐破吳後乘輕舟入海變
名姓適齊為鴟夷子更後百餘年見於陶為
陶朱公財有億萬復棄之往蘭陵賣藥後人
世世見之

呂尚

呂尚冀州人。蓋而內智。豫知存亡。避紂亂。隱遼東三十年。西適。隱於南山。釣于下溪。三年不獲魚。或曰可以止矣。尚曰非爾所及也。果得大鯉。有兵鈐在腹中。乃服澤芝地衣石髓。二百年而告亡。葬之無尸。惟有玉鈐六篇。在棺中。

劉越

周時有匡先生。名續。修道於南嶂山。後有一少

經魚腹
中鈐六

叩石
石忽
自開

年數來相訪。言論奇偉。先生異之。問曰。觀子風猷有日矣。僭問鄉邦姓字。答之曰。予姓門名越。居在山之左。山下有石。高二尺許。叩之即應。當相延。先生如其語訪之。叩石。石忽自開。雙戶洞啓。一小鬟迎先生。行數十步。繼有二青衣。絳節前導。漸見臺榭參差。金碧掩映。珍禽奇獸。草木殊異。真人冠玉冠。朱緩劍。佩來迎。先生意欲留居之。真人已覺。謂先生曰。子陰功易滿。後會可期。他日相從。不晚也。飲

王酒三爵。延齡保命湯。一啜而出。先生返顧。所叩石。宛然如初。他日復叩。無所應矣。今廬山太平興國宮三門外。即石建亭。名曰仙石。石上尚有劉仙三字存焉。

匡續

匡續字君平。南楚人。號匡阜先生。生而神靈。兒時便有物外志。周武王時。師老聃。得長生之道。結茅南障山。虎溪之上。隱焉。室中無所有。惟置一榻。簡書數篇而已。武王屢徵不起。一

日有少年詣之。自通曰。姓劉名越。家在前山之左。邀先生過之。且曰。至山下。有石高二丈許。即予家也。續後如約而往。至山下。四顧無人家。惟有一石。乃叩之。石為之開。若雙扉然。有二青衣。執絳節。前導入其中。瓊樓玉宇。見前少年。傳以仙訣。由此得道。遂煉丹于此焉。漢武帝元封元年。南巡狩。登祀天柱。嘗望秩焉。繼而射蛟潯陽江中。復封先生為南極大明公。仍命立祠於虎溪。舊隱。列於祀典。迨至

今來此
二林寺
是也

東晉鴈門僧慧遠遊羅浮夜宿祠下愛其溪山之勝謁郡守桓伊曰昨夢匡先生願捨祠為寺伊從之而遷先生祠于山口唐開元間再加興建尊為仙廟凡水旱癘疫禱之皆應焉

葛由

葛由者羌人也周成王時好刻木羊賣之一日騎羊入蜀蜀中王侯貴人追之上綏山綏山在峩峩山西南最高無極隨之者不復還皆

得仙道故諺曰若得綏山一眺雖不得仙亦豪

蔡瓊

蔡瓊字伯瑤師老子受太玄陽生符還丹方合服得道白日昇天常用陽生符活已死人但骸骨存者以符投之即起

彭宗

彭宗字法先彭城人年二十學於杜冲嘗從之採藥忽墮深谷手足傷損速至危困良久蘇

廣列仙傳

卷之三

七

神燈映席
乃色雲號

三晝夜為
一息

以氣禁猛
虎不能動

息肅恭如初。又使之採樵。被蛇中。亦無愠色。冲憫之。乃授丹經五千文。及守一之道。宗寶而脩之。日臻幽妙。嘗宵中有神燈數救。浮空映席。又五色雲霞霏霏繞座間。能三晝夜為一息。或自沒水底。竟日方出。或瞑目僵卧。輒一年許不動。塵委其上。積厚如指。見者皆疑已殞。及起。顏色愈鮮。能以一氣誦五千文。通為兩遍。山中毒蛇猛虎。能以氣禁之。潛伏終不能動。宗解之。乃去。嘗有獵者。遥相毀罵。或

及門歌相凌辱。宗用氣禁之。獵者手足不舉。自拘。蠢然尸立。使幽靈擊之。傍人惟聞叩頭之聲。莫測其所以。俟其悔過。乃釋之。年一百五十餘歲。常如二十許。厲王十三年正月。老君遣仙官下迎。授為太清真人。治赤城宮。

馮長

馮長。驪山人。周宣王時。為柱下史。觀天文之變。乃退隱攝生。遇鄧真人。授以靈書。功行垂成。復遇彭真人。授以太上隱書。遂得仙。用術活

廣列仙傳
人平王二十年春昇化而去

王子喬

王子喬周靈王太子晉也好吹笙作鳳鳴遊伊洛之間道人浮丘公接以上嵩高山三十餘年後見栢良謂曰可告我家七月七日待我於緱山頭至期果乘白鶴駐山頭望之不可到舉首謝時人數日而去後立祠緱氏山下

沈羲

沈羲吳郡人學道蜀中善醫一心救人功德感

與妻共
載升天

天周赧王十年老君遣使召之與妻賈氏共載授羲碧落侍郎白日昇天時道間耕鋤人共見之須臾大霧霧解失其所在但見羲所乘車牛在田中食禾或有識為羲車牛以語羲家弟子數百人恐是邪魅將羲入山谷間乃將數百人分市於百里之間求之不得至漢殤帝延平元年凡四百一十二年乃復還鄉里推求得十餘世孫名懷喜懷喜曰聞先世相傳果有遠祖登仙羲歸留數日云初上

四百餘
年昇歸

天時不見天帝。惟謁老君。老君向東坐。宮殿鬱鬱。雲氣五色。庭中皆珠玉樹。侍從數百。多女少男。四壁熠熠。有符書。老君長可丈餘。身體有光。不可正視。老君令玉女持金案玉杯。盛藥賜羲曰。此是神丹。飲者不死。夫妻各得一。刀圭。飲畢。復賜大棗二枚。大如鷄子。復以符一道。仙方一道。賜羲。令且還人間。救人疾苦。若欲上昇。以此符懸之。竿杪。仙吏當迎汝也。語已。奄忽如睡。已在地。上。竇太后疾。嘗遣

使請問安帝時。猶在人間。後復昇天。

周亮

周亮字泰宜。太原人。母宵寢。見五色流霄。覆其宅。因感有孕。經十五月而生。長而師事姚坦。授五千文。及八素真經。能治鬼。惟各復真形。周靈王太子晉聞之。召與相見。賜以九光七明芝。亮脩服之。遂能變化。或如七十。髮白齒落。經宿不出。復為少年。姿容如花。或被覓人。侮之。其人不覺自縛。困於拷擊。叫號口中流

七十者翁
俄頃為少
年如花
令人自縛

血求哀乃釋之年一百九十餘歲威烈王二十四年上帝遣天官下迎授為秦隴真人出入太清。

涓子

涓子齊人好餌木接食養精至三百年仍見於齊著天地人經四十八篇後釣魚于河澤得鯉腹中有符隱於岩山能制風雨受伯陽九仙法淮南王安少得其文不能解其意也其琴心三篇有條理焉。

有符
得鯉腹

亢倉子

亢倉子姓庚桑名楚陳人也得老君之道隱昆陵孟峰道成仙去。

琴高

琴高趙人能鼓琴為宋康王舍人行涓彭之術浮遊冀州涿郡間二百餘年後入涿水取龍子與諸弟子期某日當返諸弟子日齋潔待于水傍設祀高果乘鯉而來觀者萬餘人留一月復入水去。

寇先

寇先者宋人也。釣魚為業。居睢水傍。百餘年。得魚或放賣。或食。好種荔。食其葩實焉。宋景公問其道。不告。即殺之。後數十年。踞宋城門鼓琴。十日而去。宋人家家奉祀焉。

負局先生

負局先生。語似燕代間人。因磨鏡。輒問主人。得無有疾苦者否。若有。輒出紫丸赤藥與之。莫不愈。時大疫。每列戶與藥。愈者萬計。不取一

種荔
食葩
斬後
復生

磨鏡
問疾

不
取錢

錢後止。吳山絕崖。世世懸藥。與人曰。吾欲還蓬萊山。為汝曹。下神水崖頭。一旦有水白色。從石崖流下。服之者。多所愈。鄉人乃立祠祀之。

馬丹

馬丹。晉狄人。文侯時為大夫。獻公時為幕正。公滅狄。殺恭太子。丹去。至趙宣子時。乘安車入晉。都候大夫。靈公欲仕之。逼不以禮。有迅風發。丹入迴風中而去。北方人尊而祠之。

入迴
風中
去

廣列仙傳

列子

列子鄭人名禦寇問道於關尹子復師壺丘子
九年能御風兩行隱居鄭國四十年無知者
著書行於世

王瑋玄附韓崇

二云楚
莊王臣
受道于
主君
王瑋玄不知何許人得道居林屋山洞中吳國
韓崇好道遊名山採方術於林屋遇瑋玄求
度世之道瑋玄以流珠丹授之謂崇曰子行
此道無妨居世功成之日自當仙舉也崇行

能御風
兩行

人間
仙

之大驗仕為汝南太守在郡十四年治化大
行著為天下最年七十四瑋玄又降人間授
崇隱遁解形之法入大霍山又授崇道化泥
丸并紫戶之術而昇天矣

莊子

莊子蒙人名周嘗為蒙漆園吏與梁惠王同時
其學無所不闕其要本於老子著書六萬餘
言率寓言也楚威王聞莊周賢使厚幣迎之
許以為相周笑謂使者曰千金重利卿相尊

不為犧
牛

位也。子獨不見郊祭之犧牛乎。養食之數歲。衣以文繡。以入太廟。當是之時。雖欲為孤豚。豈可得乎。亟去。無污我耳。我寧遊戲污瀆之中。自快無為有國者所羈。終身不仕。以快吾志焉。後仙去。

陵陽子明

陵陽子明。銓鄉人。釣魚於澗溪。得白魚。腸中有書。教子明服食之法。子明遂上黃山。採五石脂。服之三年。龍來迎去。

服五石
脂成仙

尹喜

尹喜字公文。初母氏嘗晝寢。夢天下絳霄。流絳其身。及喜生時。家內陸地。自生蓮花。光色鮮盛。眼有日精。姿形長雅。垂臂下膝。堂堂有天人。之貌。少好學墳索。善於天文。秘緯。大度不脩俗禮。損身濟物。不求聞達。周康王時。為大夫。仰觀乾象。見東方有紫氣。西邁。知有聖人。當度關而西。乃求為函谷關令。預敕關吏孫景曰。若有形容殊俗。車服異常者。勿聽過。時

附地生

蓮花

見紫氣
知聖人
度關

青牛
度關

昭王二十三年七月十二日甲子老君采乘
白輿駕青牛徐甲為御欲度關關吏入白喜
喜曰今我得見聖人矣即具朝服出迎跪伏
叩頭邀之曰願大人暫留神駕老君謝曰吾
貧賤老翁居在關東田在關西今暫往取薪
何故見留幸聽度喜復稽首曰丈人豈是取
薪久知大聖當來西遊勞神暴露願少憐神
駕老君曰聞開導竺乾有古先生善入無為
永存綿綿是以昇就道經歷關子何苦留耶

斗中有
天理四
星主統
理萬物

喜又曰今觀丈人聖姿超絕乃天上之
邊夷何足往觀願不托言少垂哀愍老君曰
子何所見而知吾喜曰去冬十月天理星西
行過昂自今月朔融風三至東方真氣狀如
龍蛇而西度此大聖人之徵故知必有聖人
度關老君乃怡然笑曰善哉子之知吾吾亦
已知子矣子有通神之見當得度世也喜再
拜曰敢問大聖姓字可得聞乎老君曰吾姓
字渺渺從劫至劫非可盡說吾今姓李字伯

以吉祥
單化美
人試徐
甲

陽號曰老聃喜於是就官舍設座供養行弟子禮老君乃為喜留關下百餘日壽傳以內外脩煉之法時老君之御者徐甲必饋於老君約日顧百錢至關時當七百三十萬錢甲見老君去官遠商亟來索錢老君謂曰吾往西海諸國還當以黃金什直償尔甲如約及至關飯青牛於野老君欲試之乃以吉祥草化為一美女行至牧牛之所輒以言戲甲甲惑之欲留遂負前約乃詣關令訟老君索

以太玄
生符括
徐甲二
百歲

錢老君謂甲曰汝隨我二百餘年汝久成吾以太玄生符與汝所以得至今日汝何不念此而乃訟吾言訖符自口中飛出丹篆如新甲即成一聚骨喜乃為甲叩頭請赦其罪以賜更生老君復以太玄生符授之甲即立生喜乃以錢償甲而禮遣之一日老君謂喜曰吾重告尔古先生者即吾之身嘗化乎竺乾今將返神還乎無名吾今逝矣喜叩首請侍行老君曰吾遊乎天地之表戲乎玄冥

廣列山傳

卷之二

十三

之間四維八極上下無邊子欲隨吾鳥可得
焉喜曰入火入淵下地上天灰身沒命願隨
大仙老君曰汝雖骨相合道法當成真然受
道日淺未能通神安得變化隨吾聖身汝尚
精脩此道體入自然斯可與汝行化諸國爾
於是復以道德五千言授之期以千日之外
可尋吾於蜀青羊之肆也言訖聳身空中坐
雲華之上面放五明身見金光洞照十方并
舟昇空光燭館舍五色玄黃良久乃沒喜目

史記作
紫微

青羊肆

斷雲霄涕泣攀戀其日江河汎漲山川雲
有五色光貫太微徧及四方喜遂以老君所
說理國脩身之要去奢滅欲之言叙而編之
為三十六章名之曰西昇經喜乃屏絕人事
三年之內脩煉俱畢凡所授書悉臻其妙乃
自著書九篇號關尹子至丁巳歲即徙西蜀
尋訪青羊之肆老君以甲寅年昇天至乙卯
歲復從太微宮分身降生於蜀國大官李氏
之家已先勅青龍化生為羊色如青金常在

度宇忽
湧出

所生嬰兒之側愛翫無數忽一日失羊童子
尋覓得於市肆喜至蜀偏問居人無青羊肆
者忽見童子牽羊因自解云既有青羊復在
市肆聖師所約其在此耶因問此誰家羊牽
欲何往童子答曰我家夫人生一兒愛翫此
羊失來兩日兒啼不止今却尋得欲還家喜
即囑曰願為告夫人之子云尹喜至矣童子
如其言入告兒兒即振衣而起曰令喜前來
喜既入其家庭宇忽然高大湧出蓮花之座

蓮花座

教文金

湧

兒化數丈白金之身光明如日項有圓光建
七曜之冠衣晨精之服披九色離羅之帔坐
於蓮花座上舉家見之皆驚怪兒曰吾老君
也太微是宅真一為身太和降精耀魂為人
主客相因何乃恠耶喜將慰無量稽首言曰
不謂慶會復奉天顏老君曰吾向留子者以
子居世來久深染恩愛初受經訣未克成功
是以待子於此今子保形煉氣已造真妙心
結紫絡面有神光金名表於玄圖玉札繫於

封尹喜
為文始
先生

紫房氣參太微解形介真矣即命召三界衆
真時諸天帝君十方神王泊諸仙衆頃刻浮
空而至各執香花稽首聽命老君勅五老上
帝四極監真授喜玉冊金文號文始先生位
為無上真人賜紫芙蓉冠飛青羽裙丹襪綠
袖交泰霓裳羅紋黃綬九色之節居二十四
天王之上統領八萬仙士自此方得飛騰虛
空參侍龍駕其家長幼二百餘口即時拔宅
昇天

尹軌

服黃精
花

尹軌字公度太原人文始先生尹喜之從弟也
少學天文兼通織緯來事先生因教服黃精
花及授諸道經凡百餘篇皆蒙口訣先生登
真之後即與隱士杜冲同脩煉於先生宅時
年二十八歲絕粒養氣專脩上法上帝憐之
賜為太和真人仍下統仙僚於杜陽宮軌時
出遊帶神冊十餘筒周歷天下濟度有緣或
煉金銀以賑貧苦求哀之人咸得其福利焉

晉惠帝永興一年從東來降于尹真人之觀
語道士梁謨以得道之素及上帝命所司之
事語畢忽竦身騰空冉冉而去

丁令威

丁令威本遼東人學道於靈虛山後化鶴歸遼
集華表柱云有鳥有鳥丁令威去家千年冷
始歸城郭如故人民非何不學仙塚累累

李八百

李八百蜀人初居筠陽之五龍岡歷夏商周

行八
里

八百歲又動則行八百里時人因號為李八
百或隱山林或居廛市又脩煉於華林山石
室丹成還蜀中周穆王時居金堂山蜀人歷
代見之號紫陽真君有女弟亦得仙封妙應
真人

馬成子

馬成子秦扶風人志欲脩道棄家訪師遇黃蓋
童子授以胎元煉氣之法乃入蜀之鶴鳴山
石洞中復遇異人授以神丹曰氣為內丹藥

為外丹。今授子此丹。服之當列為高真矣。言訖而去。成子遂白日昇天。

折象

折象。廣漢人。少好黃老業。師事東平先生。家世豐贍。以為多藏必厚亡。散千金以賑貧苦。或諫之。象曰。竇子文有言。我之施物。乃迺福。非避時也。智者咸服焉。自尅亡日。尸解如蛇蛻焉。

宋倫

散金以
逃福

宋倫字玄德。洛陽人。專心好道。服黃精二十餘

年。周厲王時。老君授以通真經。及丹符。倫得

經。脩行。遂自然通感。嘗有玉童六人。更遞侍

之。凡未來事。預知其言。凶言無不驗。能飄然

飛步。陵波涉險。與神仙遊。日行三千里。或化

為鳥獸。以試人心。有獵者逐之。常相去五十

步。百步不能至。善射者射之。亦不至。与病者

同寢。其病自痊。年九十。餘宣王三十二年。止

帝遣仙官下迎。授為太清真人。下司中嶽。

玉童遞
侍

日行三
千里

王子

王子者姓章名震南郡人也少學衆經周幽王徵之不起乃嘆曰人但貪富貴不知養性命盡氣絕即死雖為王侯金玉如山何益獨有學仙可以無窮乃師長桑子受其衆術著道書百餘篇其要術以務魁為主尤精於五行演其微妙能起飄風發屋折木作雲雷雨霧以草芥瓦石為六畜龍虎立便能行分形為數百千人又能涉行江瀛舍水噴之立成珠

以斥石
為龍虎

噴水成
珠玉

泥馬術
千里

遂不復變或時閉氣不息舉之不起推之不動屈之不曲伸之不直如此數十日乃起復如故每與諸弟子行各丸泥為馬與之皆令閉目須臾皆乘大馬一日千里又能吐五色雲氣起數丈見飛鳥過指之墮地又臨淵投符召魚鼈魚鼈皆躍上岸又能使諸弟子舉眼即見千里外物但不能久也其務魁時以器盛水着兩魁之間吹而噓之水上立有赤光燒之燁燁而起又以此水治百病在內者

飲之在外者浴之皆使立愈後入崆峒山合
丹丹成白日昇天

太陽子

太陽子者姓離名明王子之友也王子學道已
成太陽子乃事王子盡弟子之禮不敢懈怠
王子特親愛之而好酒恒醉頗以此見責然
善為五行之道雖鬢髮斑白而肌膚豐盛面
目光華三百餘歲猶自不改王子謂之曰汝
當理身養性為衆賢法師乃昏迷大醉功業

不修大藥不合雖得千歲竟難免死况數百
歲乎此凡庸所不為况達者乎後著七寶樹
之術深得道要服丹得仙常在世間五百餘
歲面如少童祇多酒其鬢鬚皓白也

太陽女

太陽女者姓朱名翼敷演五行之道盡其微妙
行其道甚驗且速年二百八十歲色如桃花
口如含丹肌膚充澤眉髮如畫有如十七八
者也奉事絕洞子丹成分賜之亦得仙昇天

二百八
十歲色
如桃花

法酒
求仙

太陰女

太陰女者。姓盧名全。為人聰達。智慧過人。好玉
子之道。頗得其法。未能精妙。苦無明師。乃當
道沽酒。密欲求賢。積年累久。未得勝已者。會
太陽子過之。飲酒見女。禮節恭脩。言詞閑雅。
太陽子喟然歎曰。彼行白虎騰蛇。我行青龍。
玄武。天下悠悠。知者為誰。女聞之。大喜。使妹
問客。上數為幾。對曰。不知也。但南三北五。東
九西七。中一耳。妹還報曰。客大賢者。至德人

也。我始問一。已知五矣。遂請入道室。改進此
饌。以享之。因自陳訖。太陽子曰。共事天帝之
朝。俱飲神光之水。身登玉子之魁。體有五行
之寶。唯賢是親。豈有所吝。遂授以道要。及煉
丹之方。丹成服之。得仙。時年已二百歲。猶如
少女顏色。

太玄女

太玄女者。姓顯名和。少喪夫。有術人相其母子
曰。皆不壽也。乃學道。治玉子之術。遂能入水

寒月平
衣行水
上

指鎖鑰
即開

水不濡
火不燃

不濡盛寒之時。單衣行水上。而顏色不變。身體溫暖。可至積日。能徙官府。宮殿。城市。及世人屋舍於他處。視之無異。指之則失其所在。又門戶。櫥櫃。有閉。鑿者。指之即開。指山山崩。指樹樹死。更指之皆復如故。一日與弟子行山間。日暮。以杖扣山石。石開。皆有門戶。入其中。有屋室。床几。帷帳。厨廩。酒食如常。雖行萬里無異。能令小物忽大如屋。大物忽小如毫芒。野火張天。噓之即滅。又能坐炎火之中。衣

裳不燃。須臾間化為老翁。小兒。車馬無所不為。行三十六術。甚有神効。起死無數。不知其何所服。食顏色益少。髮髮如鴉。忽白日昇天而去。

墨子

墨子者。名翟。宋人也。仕宋為大夫。外治經典。內修道術。著書十篇。號為墨子。年八十有二。乃歎曰。世事已可知矣。榮位非可長保。將委流俗。以從赤松子遊矣。乃謝遣門人。精思至道。

即後有
人覆衣

想像神仙。於是夜常聞左右山間有誦書聲者。墨子即後有人以衣覆之。墨子乃伺之。忽有一人乃起問之曰。君豈山嶽之氣乎。將度世之神仙乎。願且少留。誨以道教。神人曰。子有至德好道。故來相候。子欲何求。墨子曰。願得長生。與天地相畢耳。於是神人授以素書。朱英九方道靈教戒。五行變化。凡三十五卷。曰。子既有仙緣。性又聰敏。得此便成。不必他師也。墨子拜受。合作遂得其効。乃撰集五行

廣列仙傳

卷二

三十一

記五卷。後為地仙。至漢武帝時。帝遣使者楊遼。東帛加壁。以聘墨子。墨子不出。視其顏色如五六十歲人。周遊五嶽。不止一處也。

浮丘伯

浮丘伯。姓李。居嵩山修道。白日飛昇。嘗作原道歌云。虎伏龍亦藏。龍藏先伏虎。但畢河車功。不用提防拒。諸子學飛仙。狂迷不得住。左右得君臣。四物相念護。乾坤法象成。自有真人顧。又有相鶴經。王子喬傳。

廣列仙傳

卷二

三十一

祝雞翁

祝雞翁洛陽人居尸鄉北山下養雞百餘年雞
皆有名字千餘群暮栖樹上晝散放之翁行
呼名即種別而至賣雞及子得千萬錢輒置
錢去之吳作養魚池後昇吳山白鶴孔雀嘗
止其傍

鬼谷子

鬼谷子春秋晉平公時人姓王名詡嘗入雲氣
山採藥得道顏如少童居青溪之鬼谷蘇秦

雞翁
有名

張儀嘗問道三年辭去子曰二子輕於去之
永壽貴一旦之浮榮惜哉鬼谷處人間數百
歲後不知所之

茅濠

茅濠字初成成陽人博學深鑒知周室將衰不
求仕進嘆曰人生若流電奈何久迷塵寰中
乃師鬼谷先生受長生之術遂入華山脩煉
秦始皇三十年九月庚子乘龍白日昇天先
是邑人謠曰神仙得者茅初成駕龍上升入

茅濠

太清時下玄州戲赤城繼業而往在我盈帝
若學之臘嘉平秦始皇聞之因改臘為嘉平
玄孫盈罔稟三人皆得仙故曰三茅

蕭史

蕭史得道善吹簫秦穆公以女弄玉妻之遂教
弄玉吹簫作鳳鳴有鳳來止其屋公為作鳳
臺後弄玉乘鳳蕭史乘龍昇天而去

武夷君

武夷君者昔有神人降於武夷山自稱武夷君

吹簫引
鳳來

云受上帝命統地仙授館於此山中漢武帝
嘗遣使築壇祀之

皇太姥

皇太姥閩人相傳為神星之精母子二人居武
夷採黃精以餌能呼風撒雨乘雲而行秦人
呼為聖母

魏真君

魏真君名子騫求道於武夷山後遇控鶴仙人
授以換骨之訣始皇時尸解真君願骨至今

尚存紅白堅潤

控鶴仙人

仙人名屬仁天台元虛老君第七子也常控鶴
至武夷山校定仙籍時魏王子騫等禱兩龍
潭之上仙人適過其處魏王與張湛等十二
人因得謁見仙人見魏王等丰骨異常乃遣
何鳳兒徃天台取仙籍檢視果載子騫與張
湛等名先以飲酒過度故謫居武夷須八百
年後方得脫骨仙化於是賜魏王等胡麻飢

仙籍藏
天台山
中

九品丹書

古丈夫

恂大與尹子虛同遊嵩華松下見古丈夫并一
女子二人曰神仙何以至此古丈夫曰予本
秦之後夫此乃毛女亦秦之宮人合為殉者
同脫驪山之禍匿此不知今幾甲子二生曰
幸遇大仙願求金丹大藥古丈夫曰我本凡
人初餌栢子後食松脂歲久凌虛毛髮紺綠
不知金丹大藥為何物也

餌栢子
松脂成
仙

毛女

毛女在華陰山中山客獵師世世見之形體生
毛自言始皇宮人秦亡入山食松葉遂不饑
寒身輕如飛

徐福

徐福字君房不知何許人秦始皇時枉死者滿
道路有鳥如鳥狀銜草覆死人面皆登時而
活始皇使人持草以問鬼谷先生先生云海
中有十洲祖洲有不死之草生瓊田中名養

祖洲有
不死草
名養神
芝

海中
求醫

神芝其葉似菰叢生一株可活一人始皇乃
遣道士徐福入海尋祖洲不返後不知所在
逮沈羲得道老君遣徐福為使乘白虎車迎
羲後人始知徐福為仙又唐開元中有士人
患半身枯黑御醫張上客等俱不能活因謂
曰聞大海中有神仙盍求治之士人乃從警
州下海隨風行十餘日近一孤島島上有數
百人須臾至岍岍邊有婦人洗藥問彼皆何
人婦人指云中心坐鬚髮白者徐君也又問

利黑汁
數斗
愈

徐君是誰。婦人云。君知秦始皇時徐福否。曰。知之。曰。此即是也。士人遂登岼致謁求治。徐君初以美飯哺之。器物皆奇小。士人心嫌其薄。徐君覺之。曰。但恐食不能盡爾。士人連啜之。如數大甌。至飽而竭。復以小器盛酒飲之。至醉。翌日以黑藥數丸與食。利黑汁數斗。其病輒愈。士人求住奉侍。徐君曰。爾有祿位。未宜即留。當以東風相送。毋愁歸路遠也。復與黃藥一袋。治一切病。特歸救人。士人還數日。

至登州。以藥奏聞。玄宗令有疾者服之。

涉正

涉正者。字玄真。巴東人也。說秦始皇時事。了了似及見也。漢末從二十弟子入吳。而正常閉目。雖行猶不開也。弟子隨之二十年。莫有見其開目者。有一弟子固請之。正乃為開目。目開時。有音如霹靂。有光如火電。照人。弟子以不覺。伏地良久。乃能起。正已復還閉目。後道成仙去。其所眠食施行。并授諸弟子。皆以行。

二十年
目不開

氣絕房室及服石腦小丹云李八百呼正為
四百歲兒

清平吉

清平吉漢沛國人即高帝時衛平也至光武時
容色不老後尸解去百餘歲復還鄉里數日
間又尸解去

白石生

白石生中黃丈人弟子至彭祖時已二千餘歲
不脩飛昇但以長生為貴不失人間之樂而

曰所行者止以金液之藥為上初患家貧不
能得藥乃養猪牧羊十數年致富萬金乃買
藥服之嘗煮白石為糧因就白石山居遂號
白石生亦時食脯飲酒亦時穀食日能行三
四百里顏色如三十許人或問何以不愛飛
昇荅曰天上未必樂于人間且天上多至尊
奉侍更苦于人間也

新刊廣列仙傳卷一終



